



Broj, 05-27-5-2425/25
Maglaj, 11.02.2026. godine

OPĆINA MAGLAJ
OPĆINSKO VIJEĆE

PREDMET: Prijedlog Odluke o gubitku statusa javnog dobra u općoj upotrebi

U prilogu akta dostavljamo Prijedlog Odluke o gubitku statusa javnog dobra u općoj upotrebi, i to na nepokretnosti označenoj sa k.č. br. 1513/2 k.o. Liješnica, Općinskom vijeću Maglaj, na razmatranje i usvajanje.

Uz prijedlog Odluke dostavljamo:

- Obrazloženje uz prijedlog Odluke o gubitku statusa javnog dobra u općoj upotrebi
- Skica formiranja građevinske parcele u predmetu IPS-a br. 05-27-5-2425/25 od 11.02.2026. godine

Dostavljeno:

1. Naslovu
2. Općinski načelnik
3. U spis IPS-a broj: 05-27-5-2425/25



Broj:
Datum:

Na osnovu člana 7. stav 3. i 4. Zakona o stvarnim pravima ("Službene novine Federacije BiH", br. 66/13 i 100/13), člana 10. stav 3. Zakona o cestama Federacije Bosne i Hercegovine ("Službene novine Federacije BiH", broj: 12/2010) i člana 18. alineja 6. i 19. Statuta Općine Maglaj- prečišćen tekst ("Službene novine Općine Maglaj", br. 8/07, 3/08 i 6/08), Općinsko vijeće Maglaj na _____ sjednici održanoj dana _____ godine, donosi

ODLUKU
o gubitku statusa javnog dobra u općoj upotrebi

Član 1.

Utvrđuje se da je izgubila status javnog dobra u općoj upotrebi nepokretnost označena kao:

- **k.č.br. 1513/2 „Bara“ dvorište površine 1173 m²**, koja je po podacima katastra zemljišta upisana u posjedovni list broj 128 k.o. Liješnica, posjednik Javni nekategorisani putevi sa 1/1, a po podacima zemljišne knjige upisana u zemljišnoknjižni uložak broj 939 k.o. Liješnica, Javno dobro – Javni nekategorisani put sa 1/1.

Član 2.

Katastar Službe za urbanizam, geodetske i imovinsko-pravne poslove Općine Maglaj i Zemljišnoknjižni ured Maglaj Općinskog suda u Zavidovićima će na nepokretnosti iz člana 1. ove Odluke izvršiti brisanje dosadašnjeg upisa, te izvršiti uknjižbu prava vlasništva i posjeda u korist Općine Maglaj sa 1/1.

Član 3.

Ova Odluka stupa na snagu narednog dana od dana objavljivanja u "Službenim novinama Općine Maglaj".

PREDSJEDAVAJUĆA

Aida Bašić

O b r a z l o ž e n j e
uz Prijedlog Odluke o gubitku statusa javnog dobra u općoj upotrebi

Pravni osnov

Pravni osnov za donošenje odluke kao u prijedlogu, sadržan je u članu 7. stav 3. Zakona o stvarnim pravima („Službene novine Federacije BiH“, br. 66/13 i 100/13) kojim je propisano da o općim i javnim dobrima vodi brigu i njima upravlja i za to odgovara određeni subjekt javnog prava (Federacija, kanton, grad ili općina) što se određuje posebnim zakonom, stavu 4. istog člana navedenog Zakona kojim je propisano da se posebnim zakonom uređuje stjecanje svojstva općeg ili javnog dobra, kao i prestanak tog svojstva, te način upisa ovih dobara u zemljišne knjige, zatim članu 10. stav 3. Zakona o cestama Federacije Bosne i Hercegovine („Službene novine Federacije BiH“, broj: 12/2010) kojim je propisano da odluku o statusu napuštenog dijela ceste za lokalne ceste donosi nadležni gradski, odnosno općinski organ, te u članu 18. alineja 6. i 19. Statuta Općine Maglaj („Službene novine Općine Maglaj, broj: 08/07; 3/08 i 6/08).

Razlozi donošenja

Hasanić Semir i Hasanić Belmin iz Maglaja, podnijeli su dana 28.05.2025. godine Općini Maglaj Službi za urbanizam, geodetske i imovinsko pravne poslove podnesak - zahtjev kojim traže kupovinu dijela općinske parcele 1513/2, a koji su dopunili i precizirali u izjavi datoj na Zapisnik kod Službe za urbanizam, geodetske i imovinsko pravne poslove Općine Maglaj, broj: 05-27-5-2425/25 od 20.06.2025. godine, navodeći da obraćaju se Općinskom vijeću Maglaj putem Službe za urbanizam, geodetske i imovinsko-pravne poslove Općine Maglaj i traže formiranje građevinske parcele koju će činiti zemljište kojeg su suvlasnici sa po 1/2 označeno sa k.č. br. 1513/1 i k.č. br. 1513/4 k.o. Liješnica i dio zemljišta koje je do tih njihovih parcela označenog sa k.č. broj 1513/2 k.o. Liješnica i kupovinu od Općine Maglaj neposrednom pogodbom dijela zemljišta uz njihove parcele k.č. br. 1513/1 i k.č. br. 1513/4 k.o. Liješnica, označenog sa k.č. broj 1513/2 k.o. Liješnica, radi oblikovanja građevinske parcele. Navedenoj izjavi su priložili zemljišnoknjižni izvadak z.k. ul. br. 931 k.o. Liješnica u koji su upisane k.č. br. 1513/1 i 1513/4 k.o. Liješnica.

U postupku po predmetnom preciziranom zahtjevu podnosioca Hasanić Semira i Hasanić Belmina iz Maglaja, održana je usmena rasprava na licu mjesta dana 15.10.2025. godine, na kojoj je stručno lice za geodetske poslove Nedžad Čatić, dipl. ing. geod. na licu mjesta izvršio obilježavanje dijela k.č. br. 1513/2 k.o. Liješnica koja je upisana kao javno dobro i koja se nalazi između između parcela podnosioca zahtjeva označenih sa k.č. broj 1513/1 i 1513/4 k.o. Liješnica i magistralnog puta sa istočne strane, te lokalnog puta sa sjeveroistočne strane. Na licu mjesta izvršio je geodetsko snimanje dijela k.č. broj 1513/2 k.o. Liješnica kojeg koriste podnosioci zahtjeva kao parking i kao prilaz do lokalnog puta snimio ogradu koja je u naravi betonsko coklo sa ogradom i koja siječe k.č. br. 1513/2 i ograničava dio k.č. br. 1513/2 na koji se i odnosi zahtjev za oblikovanje građevinske parcele. Nakon djelimične obrade snimljenih podataka tj. kartiranja na digitalnom planu stručno lice za geodetske poslove Nedžad Čatić, dipl. ing. geod. dostavio je izjavu na Zapisnik broj:05-27-5-2425/25 od 28.11.2025. godine sa skicom formiranja građevinske parcele u predmetu br. 05-27-5-2425/25, od 15.10.2025. godine, u prilogu. U izjavi je naveo da u predmetu formiranja građevinske parcele i kupovinu zemljišta od Općine Maglaj radi oblikovanja građevinske parcele u naselju Liješnica, općina Maglaj, podnešenom od Hasanić Semira i Hasanić Belmina dana 15.10.2025. godine izvršio je uvid na licu mjesta i identifikaciju parcele u vlasništvu podnosioca zahtjeva i parcele u vlasništvu Općine Maglaj koju podnosioci zahtjeva traže da kupe neposrednom pogodbom. Parcela

koju podnosioci zahtjeva traže da kupe u postupku oblikovanja građevinske parcele je označena kao dio k.č. broj 1513/2 k.o. Liješnica i nalazi se između parcela podnosioca zahtjeva označenih sa k.č. br. 1513/1 i 1513/4 k.o. Liješnica koje su sa južne i zapadne strane predmetne parcele, Magistralnog puta M-17 sa istočne strane i lokalnog puta sa sjeverne strane predmetne parcele. Dalje je naveo da je nakon toga izvršio geodetsko snimanje dijela k.č. br. 1513/2 k.o. Liješnica koje već koriste podnosioci zahtjeva kao parking i kao prilaz do svojih parcela sa lokalnog puta, te nakon djelimične obrade snimljenih podataka tj. kartiranja na digitalnom planu utvrdio je da se zahtjev podnosioca zahtjeva hasanić Semira i Hasanić Belmina odnosi na formiranje građevinske parcele a koja se sastoji od slijedećih katastarskih parcela:

- k.č. br. 1513/1 „Bara“ njiva 4. klase površine 1607 m², upisana u pl. br. 1207 k.o. Liješnica, posjednici Hasanić (Mustafa) Belmin sa 1/2 i Hasanić (Mustafa) Semir sa 1/2, po katastru zemljišta, a po zemljišnoj knjizi odnosi se na k.č. br. 1513/1 u istoj površini upisana u zk-ul br. 931 k.o. Liješnica, pravo vlasništva Hasanić (Mustafa) Belmin sa 1/2 i Hasanić (Mustafa) Semir sa 1/2,
- k.č. br. 1513/4 „Bara“ kuća i zgrada površine 45 m², dvorište površine 500 m² i njiva 3. klase površine 455 m², upisana u pl. br. 1207 k.o. Liješnica, posjednici Hasanić (Mustafa) Belmin sa 1/2 i Hasanić (Mustafa) Semir sa 1/2, po katastru zemljišta, a po zemljišnoj knjizi odnosi se na k.č. br. 1513/4 u istoj površini upisana u zk-ul br. 931 k.o. Liješnica, pravo vlasništva Hasanić (Mustafa) Belmin sa 1/2 i Hasanić (Mustafa) Semir sa 1/2,
- dio k.č. br. 1513/2 „Bara“ ostalo neplodno zemljište ukupne površine 1250 m², upisana u pl. br. 128 k.o. Liješnica, posjednik Javni i nekategorisani putevi sa 1/1, po katastru zemljišta, a po zemljišnoj knjizi odnosi se na k.č. br. 1513/2 u istoj površini upisana u zk-ul br. 939 k.o. Liješnica, Javno dobro - Javni i nekategorisani putevi sa 1/1.

U izjavi je naveo da u građevinsku parcelu po zahtjevu Hasanić Semira i Belmina prema stanju na licu mjesta ulazi dio k.č. br. 1513/2 u površini od cca 1015 m² a što je prikazano na skici sa lica mjesta od 15.10.2025. godine.

U daljem postupku stručno lice za urbanizam Ermina Hajdić, dipl. ing. građ. dostavila je Izjašnjenje broj: 05-27-5-2426/25 od 11.02.2026. godine u kome je navela da izlaskom na teren utvrđeno je da podnosioci zahtjeva već koriste predmetnu parcelu k.č.br. 1513/2 koja je u vlasništvu Općine Maglaj kao parking za vozila. Dana 11.02.2026. godine isti su podnijeli zahtjev za urbanističku broj 05-19-3-290/26 za izgradnju poslovnog objekta na parcelama označenim sa k.č.br. 1513/1 i 1513/4 k.o. Liješnica. Da bi mogli pristupiti parcelama čiji su vlasnici moraju da koriste parcelu k.č.br 1513/2 kao prilaz. S obzirom da se zemljište označeno sa k.č.br. 1513/2 k.o. Liješnica, nalazi uz magistralnu cestu M-17 tj. u zaštitnom pojasu, a članom 58. Zakona o cestama Federacije BiH (Službene novine Federacije BiH, broj 12/10), propisano je da se uz javne ceste nalazi zaštitni pojas na kojem važi poseban režim gradnje i da za magistralne ceste iznosi 20,00 metara sa svake strane. Uvidom u plansku dokumentaciju utvrđeno je da se predmetna zemljišta nalaze u obuhvatu Urbanog područja Liješnica koji čini sastavni dio Prostornog plana opštine Maglaj (Sl. Glasnik opštine Maglaj broj: 2/90 i 1/13).Kako je navedeno u Zapisniku o izjavi Stručnog lica za geodetske poslove traži se i jašnjenje stručnog lica za urbanizam o mogućnosti oblikovanja građevinske parcele. Uvidom u Skicu formiranja predmetne građevinske parcele formirana je tako što se sastoji od katastarskih parcela:

- **k.č.br. 1513/1** "Bara" njiva 4. klase površine 1607 m² koja je, po podacima katastra zemljišta upisana u pl.br. 1207 k.o. Liješnica posjednici Hasanić (Mustafa) Belmin sa ½ i Hasanić (Mustafa) Semir sa ½, apo podacima zemljišne knjige ista je upisana u zemljišnoknjižni uložak broj 931 k.o. Liješnica pravo vlasništva Hasanić (Mustafa) Belmin sa ½ i Hasanić (Mustafa) Semir sa ½,
- **k.č.br. 1513/4** "Bara" kuća i zgrada površine 45 m², dvorište površine 500 m² i njiva 3. klase površine 455 m², po podacima katastra zemljišta upisana u pl.br. 1207 k.o. Liješnica posjednici Hasanić (Mustafa) Belmin sa ½ i Hasanić (Mustafa) Semir sa ½, am po podacima zemljišne knjige ista je upisana u zemljišnoknjižni uložak broj 931 k.o. Liješnica Hasanić (Mustafa) Belmin sa ½ i Hasanić (Mustafa) Semir sa ½,
- **dio k.č.br. 1513/2** "Bara" ostalo neplodno zemljište ukupne površine 1250 m², po podacima katastra zemljišta upisana u pl.br. 128 k.o. Liješnica posjednik Javni nekategorisani putevi sa 1/1, po podacima zemljišne knjige ista je upisana u zemljišnoknjižni uložak broj 939 k.o. Liješnica Javno doobro – Javni nekategorisani putevi.

Kako je prikazano na skici sa lica mjesta, u građevinsku parcelu po zahtjevu Hasanić Samira i Hasanić Belmina prema stanju na licu mjesta ulazi dio k.č.br. 1513/2 u površini od cca 1015 m². Grafičkim prikazom Plana projekcije prostornog uređenja – Urbana područja utvrđeno je, da se predmetno zemljište nalazi u okviru Urbanog područja označenog kao Ostala urbana područja sa režimom građenja III stepena. Odlukom o provođenju Prostornog plana opštine Maglaj utvrđene su granice urbanih područja, granice građevinskih zemljišta van urbanih područja sa njegovom namjenom. Članom 4. navedene odluke utvrđena su urbana područja opštine Maglaj na kojim se može vršiti izgradnja objekata i druge intervencije u prostoru u skladu sa odgovarajućim planom i odredbama ove odluke. Tačkom 1. je utvrđeno je urbano područje i naselje Maglaj i uža urbana područja naselja Maglaja, a granice za navedeno su po k.č. opisane su u Odluci o provođenju urbanističkog plana grada Maglaja. Tačkom 3. Odluke o provođenju Prostornog plana opštine Maglaj utvrđeno je da su Ostala urbana područja III i IV režima građenja ucrtana na kartama – Projekcije prostornog uređenja. U članu 5. tačka 4. utvrđeno je da se režim građenja trećeg stepena utvrđuje za ostala urbana područja za koja se urbanistička saglasnost izdaje na osnovu Prostornog plana, plana parcelacije i urbanističko tehničkih uslova datih o Odluci o provođenju. S obzirom da se dio k.č.br. 1513/2 nalazi između parcela podnosioca zahtjeva označenih sa k.č.br. 1513/1 i 1513/4 k.o. Liješnica koje su sa južne i zapadne strane predmetne parcele, magistralnog puta M-17 sa istočne strane i lokalnog puta sa sjeverne strane predmetne parcele a da bi mogli pristupiti parceli čiji su vlasnici koriste parcelu k.č.br. 1513/2. **Na osnovu navedenog može se formirati građevinska parcela sa podacima navedenim u Zapisniku o izjavi Stručnog lica za geodetske poslove datoj na zapisnik broj 05-27-5-2428/25 od 28.11.2025. godine i prema dostavljenoj Skici formiranja građevinske parcele broj: 05-27-5-2425/25 od 15.10.2025. godine. A preduslove za odobravanje budućih promjena u prostoru formirane građevinske parcele naknadno utvrđuje nadležna općinska služba u postupku urbanističke saglasnosti.**

U daljem postupku stručno lice za geodetske poslove Faris Habibović, mag. geodezije dostavio je Izjavu na Zapisnik broj: 05-27-5-2426/25 od 11.02.2026. godine u kojoj je naveo da podnosioci zahjeva obratili su se Službi za urbanizam, geodetske i imovinsko – pravne poslove radi formiranja građevinske parcele za izgrađeni poslovni objekat koji je u vlasništvu podnosioca zahtjeva. U konačnom izjašnjenju urbaniste od 11.02.2026. godine, utvrđeno je da se predmetno zemljište nalazi u obuhvatu Prostornog plana Općine Maglaj (Službeni glasnik opštine Maglaj broj 2/90 i 1/13), te da postoje uslovi za njeno formiranje, prema skici lica mjesta broj 05-27-5-2425/25 od 28.11.2025. godine, stručnog lica za geodetske poslove Čatić Nedžada, a da će se preduslovi za odobravanje budućih promjena u prostoru formirane građevinske parcele naknadno utvrđivati od strane nadležne općinske službe u postupku urbanističke saglasnosti. Poslije obrade podataka geodetskog snimanja, i cijepanja parcele broj 1513/2, konstatovao je da se predmetna građevinska parcela sastoji od nekretnina označenih sa:

- **k.č. br. 1513/1 „Bara“ njiva 4. klase površine 1607 m²**, koja je po podacima katastra zemljišta upisana u posjedovni list broj 1207 k.o. Liješnica, posjednici Hasanić Mustafe Belmin i Hasanić Mustafe Semir sa po 1/2, a po podacima zemljišne knjige upisana u zemljišnoknjižni uložak broj 931 k.o. Liješnica, vlasnici Hasanić Mustafe Belmin i Hasanić Mustafe Semir sa po 1/2
- **k.č. br. 1513/4 „Bara“ kuća i zgrada površine 45 m², dvorište površine 500 m² i njiva 3. klase površine 455 m²**, koja je po podacima katastra zemljišta upisana u posjedovni list broj 1207 k.o. Liješnica, posjednici Hasanić Mustafe Belmin i Hasanić Mustafe Semir sa po 1/2, a po podacima zemljišne knjige upisana u zemljišnoknjižni uložak broj 931 k.o. Liješnica, vlasnici Hasanić Mustafe Belmin i Hasanić Mustafe Semir sa po 1/2, i
- **k.č.br. 1513/2 „Bara“ dvorište površine 1173 m²**, koja je po podacima katastra zemljišta upisana u posjedovni list broj 128 k.o. Liješnica, posjednik Javni nekategorisani putevi sa 1/1, a po podacima zemljišne knjige upisana u zemljišnoknjižni uložak broj 939 k.o. Liješnica, Javno dobro – Javni nekategorisani put sa 1/1.

Sastavni dio izjave je skica lica mjesta - Skica formiranja građevinske parcele u predmetu IPS-a br. 05-27-5-2425/25 od 11.02.2026. godine.

Općinsko pravobranilaštvo Maglaj dostavilo je Konačno Izjašnjenje broj: U. 28/25 od 11.02.2026. godine u kome je navelo da Pravobranilaštvo je razmatrajući Zahtjev za formiranje građevinske parcele i kupovinu od Općine Maglaj neposrednom pogodbom dijela zemljišta k.č. 1513/2 k.o. Liješnica radi oblikovanja građevinske parcele Hasanić Semira i Hasanić Belmina iz Maglaja radi oblikovanja građevinske parcele. Odredbama člana 7. stav 1. Zakona o stvarnim pravima („Službene novine FBiH“, broj: 66/13 i 100/13), koje regulišu konkretnu upravnu stvar propisano je da nisu sposobni biti objektom prava vlasništva i drugih stvarnih prava oni dijelovi prirode koji po svojim osobinama nemogu biti u vlasti niti jedne fizičke niti pravne osobe pojedinačno nego su u upotrebi svih. Stavom 2. istog člana propisano je da su javna dobra stvari koje su po zakonu namjenjene da služe svima pod jednakim uvjetima (putevi, ulice, trgovi). Na javna dobra se primjenjuju pravila kao i za opća dobra ako zakonom nije drugačije određeno. Stavom 3. istog člana propisano je da o općim i javnim dobrima vodi brigu i o njima upravlja određeni subjekt javnog prava to su Federacija, Kanton, Grad i Općina što se određuje posebnim zakonom. Stavom 4. propisano da se posebnim zakonom određuje sticanje svojstva općeg ili javnog dobra kao i prestanak tog

svojstva kao i način upisa ovih dobara u Zemljišne knjige Cijeneći konkretnu situaciju prema citiranim propisima je stručno lice geodetske struke nadležne službe kojeg ovo Pravobranilaštvo cijeni kao stručnog i objektivnog i obzirom da je nalaz dat po pravilima struke i nauke, njegovu tačnost s ne dovodimo u pitanje iz čega jasno proizilazi da kategorizacija javnog dobra za predmetne parcele označene kao nije definisana u zemljišnim knjigama i broji se kao javno dobro, te da je upisana u zemljišne knjige kao poslovna zgrada u privredi i zemljište uz privrednu zgradu .

Obzirom da dio k.č. br. 1513/2 „Bara“ ostalo neplodno zemljište 1250m²

- po podacima katastra zemljišta upisana u pl.br 128 k.o. Liješnica posjednik Javni nekategorisani putevi sa 1/1
- po podacima iz zemljišne knjige ista je upisana u zemljišno knjižni uložak br 939

Obzirom da dio predmetne nekretnina ima status javnog dobra a više ne služi kao javno dobro a kako bi se predmetnom nekretninom moglo raspolagati potrebno je ukinuti status javnog dobra odnosno donijeti odluku o gubitku statusa javnog dobra .

Nakon obrade podataka i geodetskog snimanja i cijepanja parcele 1513/2 utvrđeno je da se predmetna građevinska parcela sastoji od nekretnina :

1. k.č. br. 1513/1 „Bara“ njiva 4. klase površine 1607 m² koja je po podacima katastra zemljišta upisana u posjedovni list broj 1207 k.o. Liješnica posjednici Hasanić (Mustafe) Belmin i Hasanić Mustafe Semir sa po ½ a po podacima iz Zemljišne knjige upisana u zemljišno knjižni uložak broj 931 k.o. Liješnica Hasanić (Mustafe) Belmin i Hasanić Mustafe Semir sa po ½
2. k.č. br. 1513/4 „Bara“ kuća i zgrada površine 45 m² dvorište površine 500m² i njiva 3.klase površine 455m² koja je po podacima katastra zemljišta upisana u posjedovni list broj 1207 k.o,o Liješnica posjednici Hasanić (Mustafe) Belmin i Hasanić Mustafe Semir sa po ½ , a po podacima zemljišne knjige upisana u zemljišno-knjižni uložak broj 931 k.o. Liješnica Hasanić (Mustafe) Belmin i Hasanić Mustafe Semir sa po ½
3. k.č. br 1513/2 „Bara“ dvorište površine 1173m² koja je po podacima katastra zemljišta upisana u posjedovni list broj 128 k.o Liješnica posjednik javi nekategorisani putevi sa 1/1 a po podacima zemljišne knjige upisana u zemljišno-knjižni uložak broj 939 k.o. Liješnica jJavno dobro - Javni nekategorisani put sa 1/1

Nakon što je provedena kompletna procedura i nakon što su dostavljeni zapisnici svih učesnika u postupku potrebno je Općinskom vijeću predložiti Odluku o gubitku statusa javnog doba u općoj upotrebi nepokretnosti označene kao:

1. **k.č. br 1513/2 „Bara“ dvorište površine 1173m² koja je po podacima katastra zemljišta upisana u posjedovni list broj 128 k.o Liješnica posjednik javi nekategorisani putevi sa 1/1 a po podacima zemljišne knjige upisana u zemljišno-knjižni uložak broj 939 k.o. Liješnica jJavno dobro - Javni nekategorisani put sa 1/1.**
2. **Katastar nadležne Službe za urbanizam, geodetske i imovinsko -pravne poslove Općine Maglaj i ZK Ured Općinskog suda u Zavidoviću će na navedenu nepokretnost ako Općinsko vijeće usvoji Prijedlog naprijed navedene Odluke izvršiti brisanje dosadašnjeg upisa te izvršiti uknjižbu prava i vlasništva i posjeda u korist Općine Maglaj sa 1/1**

Nakon provedenih procedura izvršit će se procjena nadležne Komisije Općinskog vijeća o utvrđivanju prometne i građevinske vrijednosti nepokretnosti i prava sa predloženom vrijednosti procjenjenom za predmetnu nekretninu po 1 m² te se u daljim radnjama udovoljiti podnosiocu zahtjeva sačinjavanjem novih akata.

Također su istaknuli da svi administrativni troškovi ovog postupka koji proisteknu iz istog padaju na teret podnosioca zahtjeva, ukoliko Općinsko vijeće Općine Maglaj donese pozitivno rješavanje ovog predmeta.

Shodno naprijed navedenom, kako nekretnina označena sa **k.č. br. 1513/2 k.o. Liješnica "Bara" dvorište površine 1173 m²**, ima status javnog dobra, a više ne služe kao javno dobro tj. ne služi općoj upotrebi, potrebno je istoj ukinuti status javnog dobra u općoj upotrebi, a kako bi se predmetnom nekretninom moglo raspolagati, te se u skladu sa članom 10. stav 3. Zakona o cestama Federacije Bosne i Hercegovine („Službene novine Federacije BiH“, broj: 12/2010) predlaže Općinskom vijeću Maglaj donošenje Odluke o ukidanju statusa javnog dobra u općoj upotrebi u predloženom tekstu.

Obrađivač: Sadina Bašić

Kontralor: Faris Habibović, pomoćnik općinskog načelnika po ovlaštenju

DOSTAVLJENO:

1. Naslovu
2. Općinski načelnik
3. U spis IPS-a broj:05-27-5-2425/25



OPĆINSKI NAČELNIK

Maid Suljaković

Skica formiranja građevinske parcele u predmetu br. 05-27-5-2425/25

Lokacija: Liješnica, Maglaj

Podnosioci zahtjeva: Hasanić Semir i Hasanić Belmin



Datum: 11.02.2026. godine

uradio: Faris Habibović, mag. geod.